

1. KANTONALNO TUŽILAŠTVO KANTONA SARAJEVO – ul. Radićeva br. 6, Sarajevo, kojeg zastupa Glavna Kantonalna tužiteljica Kantona Sarajevo DALIDA BURZIĆ, ID: 4200223290004, (u daljem tekstu: Kupac) i

2. COMPLEX d.o.o. Sarajevo, Muhameda ef. Pandže b.b., 71000 Sarajevo, kojeg zastupa direktor Almir Hadžiosmanović, ID: 4201136260006 (u daljem tekstu: Prodavac);

zaključuju slijedeći:

U G O V O R

o nabavci ugostiteljskog kafe aparata

Član 1.

Predmet ovog Ugovora je nabavka i isporuka ugostiteljskog kafe aparata Rancilio Classe 5S 2 gr. za potrebe Kupca, po ukupnoj vrijednosti ponude u iznosu od 3.625,82 KM (slovima: trihiljadešeststotinaidvadesetpet i 82/100 KM) bez PDV-a, odnosno 4.242,21 KM sa PDV-om (četirihiljadedvjestotineičetrdesetdvije i 21/100 KM), a u skladu sa tehničkom specifikacijom broj: A-III-32/18-II od 14.03.2018. godine.

Sastavni dio ovog Ugovora je prihvaćena Ponuda Prodavca od 15.03.2018. godine.

Član 2.

Prodavac se obavezuje da će isporuku aparata iz člana 1. izvršiti u skladu sa zahtjevom Kupca i da će odmah postupiti po eventualnim primjedbama Kupca, u pogledu nedostataka na ime kvaliteta izvršene nabavke i dostavljenog aparata. Kupac će utvrditi razuman rok za ispravku propusta Prodavca, u smislu izvršene nabavke i za račun Prodavca.

Član 3.

Plaćanje će se izvršiti najkasnije u roku od 30 dana od datuma ispostave fakture za uredno isporučeni aparat. Plaćanje se vrši putem JR Trezor Kantona Sarajevo, na žiro račun Prodavca broj: 161 000 0058 4900 4, otvoren kod Raiffeisen Bank d.d. Sarajevo.

Prodavac se obavezuje da će u skladu sa članom 1. ovog Ugovora dostaviti aparat Kupcu, na osnovu narudžbe iskazane u pisanom obliku. Isporuka aparata je na paritetu DDP prostorije Kupca. Prodavac se obavezuje na rok isporuke navedenog aparata najkasnije 30 (trideset) dana nakon obostranog potpisivanja Ugovora.

Član 4.

Prodavac se obavezuje na garantni rok za isporučeni aparat u trajanju od minimalno 12 (dvanaest) mjeseci od dana isporuke.

Servis u garantnom roku je besplatan. Prodavac se obavezuje da će se odmah po pozivu (u roku od 24 sata od poziva) u slučaju kvara odazvati Kupcu i doći na lice mjesta, kako bi pokušao dijagnosticirati kvar. Ukoliko se pri pregledu ustanovi da je potrebno zamijeniti neki dio i da kafe aparat neće biti u funkciji duži period (duže od 1 dana), Prodavac se obavezuje da će Kupcu u roku od 48 (četrdesetosam) sati od dijagnosticiranja kvara obezbijediti zamjenski, dok kafe aparat koji je isporučen i pod garancijom ne bude u potpunosti u funkciji. Ukoliko se pri pregledu aparata ustanovi da je kvar takve prirode da ga je nemoguće otkloniti, Prodavac se obavezuje na zamjenu neispravne robe novom u razumnom roku, u kojem periodu je takođe obavezan da do zamjene neispravnog aparata novim, obezbijedi Kupcu zamjenski u roku od 48 (četrdesetosam) sati od dijagnosticiranja kvara.

Član 5.

Ugovorne strane su saglasne da će eventualne sporove pri realizaciji ovog Ugovora rješavati mirnim putem, u suprotnom, priznaju nadležnost Općinskog suda u Sarajevu.

Član 6.

Na ostala prava i obaveze ugovornih strana, koje nisu regulisane ovim Ugovorom, primjenjivat će se odredbe Zakona o obligacionim odnosima.

Član 7.

Ovaj Ugovor se zaključuje na određeni period do realizacije nabavke iz člana 1. i 3. ovog Ugovora i postupanja Prodavca po eventualnim primjedbama Kupca, u pogledu nedostataka vezanih za kvalitet i realizaciju nabavke. Stupa na snagu danom obostranog potpisivanja.

Član 8.

Ugovor je sačinjen u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka, za svoje potrebe.

PRODAVAC:

Direktor:

KUPAC:

**Kantonalno tužilaštvo Kantona Sarajevo
Glavna Kantonalna tužiteljica:**

Dalida Burzić

Broj: 654/18
Sarajevo, 23.03.2018. godine

Broj: A-III-32/18-IV
Sarajevo, 20.03.2018. godine